



GUNALAIA TAUDIA NAMODIA BE EDANA BAMONA?

OIEMU GUNALAIA TAUDIA BE NAMO EDIA GWAU-HAMATA IDIA DOGOATAO!

Inai laulau ese ia hadibada:

Vouti be gau badana momokani eda tanobada lalonai. Oi emu vouti ese namo bona dika do ia abia mai. Bema oi vouti namonamo neganai, namo do ia vara, bema oi vouti kerere neganai, dika do ia mai eda hanua dekenai.

Ita eda laloa tamona be daika gunalaia tauna namona do ita abiahidi. Oi laloa namonamo bona emu gunalaia tauna ena mauri oi diba murinai emu vouti oi henia. Laloaboio lasi, vouti be hora sisina sibona do oi abia, to ena metau be lagani ima do oi davarua diba bema oi vouti kerere neganai.

LPV dala matamata ese maoro ia henia, oi sibona ese taunimanima toi oi makaia pepa tamona dekenai. To kwalimu be tau tamona sibona ese do ia abia.

Motu version of poster to go here.

Gunalaia taudia namodia be edana bamona?

Ita be nega momo laloa ita karaia gunalaia namodia ita abiahidi. To inai be edana bamona do ita abiahidi.

Gunalaia taudia namodia be:

- Kara maoromaoro taudia.
- Noho mauri namona idia noho.
- Kerere ta ia karaia lasi.
- Tanobada ena taravatu badana ia kamoni henia.
- Ena gabu bona ena tanobada hatubua daekau dala ia itaia namonamo.
- Ia hegunalai bona gaukara momokani tauna
- Dala maoro dekenai ia gaukara.
- Lalona ia hagoadaia bona haukaia.
- Ena taunimanima danu ia noho bona gaukara hebou.
- Ena tanobada PNG ena taravatu ia hemataurai henia.

Gunalaia taudia namodia be edia taunimanima dekenai ia abidadama bona idia dekenai laloa namodia ia tahua tubu daekau abia mai totona. Idia danu bema namo dala momokani dekenai tubudaekau gaukara idia abia mai edia noho gabudia dekenai.

Tubudaekau hegeregere, gorere hanamoa, sikuli haginia, ranu abia vareai hanua dekenai, dala karaia bona haida danu. Idia be namo, taunimanima ibounai idia ura henidia bona edia varavara sibona idia durua lasi.

Gunalaia taudia namodia be dala maorona dekenai idia gaukara. Inai ena anina, eda gabu tata dekenai, durua abia mai dala maorona dekenai.

Gunalaia taudi dikadia be edana bamona?

Gunalaia dikadia be idia ura taunimanima edia amo idia abia sibona to henia giroa be idia ura lasi.

Gunalaia taudia dikadia be:

- Koikoi dala dekenai hanua taudia durua henia moni idia hunia bona henaoa.
- Taravatu idia makohia bona idia koikoi momo
- Taravtu idia hemataurai henia lasi bona mai edia kerere idia noho.
- PNG ena taravatu badana idia abiadae lasi bona idia badinaia lasi.
- Durua abia mai daladia ia diba lasi.
- Gaukara diba lasi tauna bona moni ia negea kava.
- Hunia dala dekenai gaukara ia karaia
- Hereva koikoi abia loaloa bona taunimanima ia koidia.
- Waigani ofesi dekenai ia hunia bona ena taunimanima ia lalodia boio.
- Ia sibona ena namo totona ia gaukara bona taunimanima danu ia gaukara hebou lasi.

Bema gunalaia tauna ta oi laloa neganai, ena mauri oi itaia namonamo guna ia be edana bamona tauna eiava hahinena. Bema oi dara dara neganai oi laloa namonamo guna. Ita ura lasi taunimanima dikadia ese eda taunimanima edia mauri idia hadikaia. Oi laloa namonamo guna murinai emu vouti oi henia badina oi emu vouti ese namo bona dika do ia abia mai. Laloa boio lasi oi emu vouti ese vaira lagani ima lalonai oi bona emu bese emui mauri do ia gunalaia.